



GRÝTUBAKKAHREPPUR

Túngötu 3 – 610 Grenivík – Sími 414-5400
www.grenivik.is

Drög að reglugerð um leiðbeiningar og viðmið um sjálfbæra landnýtingu

Umsögn sveitarstjórnar Grýtubakkahrepps:

Fyrst ber að gagnrýna að í svo veigamiklu máli hafi ekki verið óskað sérstaklega eftir umsögnum sveitarstjórna.

Ekki kemur annað fram en reglugerðin eigi við landið allt, þó er vart minnst á þéttbýli eða nýtingu lands undir þróun þéttbýlis.

Reglugerðin er óskýr og viðmiðanir umdeilanlegar. Þannig kemur viðmið um 700 m.h.y.s., sem og viðmið um halla, í veg fyrir beit á mörgum afréttum, án gildra raka. Viðmið um fjarlægðir við dreifingu tilbúins áburðar og búffjáráburðar virðast einnig án mikilla raka. Hefbundnar landnytjar s.s. kartöflurækt eru dæmdar óæskilegar, sbr. í lið greinar 7. Reglugerðin í óbreyttri mynd er í raun aðför að hefðbundnum landbúnaði svo sem sauðfjárrækt, nautgriparækt og kartöflurækt.

Landgræðslunni er einnig falið óeðlilega víðtækt hlutverk.

Hlutverk sveitarfélaga og aðkoma er ekki skýr, gert er ráð fyrir mikilli matsvinnu og eftirfylgni án þess að sé kostnaðarmetið, eða getið um hver á að bera kostnaðinn. Þó sett séu viðmið um beit er ekki minnst á girðingar eða hvernig skuli verja land með öðrum hætti en alfriðun.

Við blasir að drögin eru ekki unnin í samráði við helstu hagsmunaaðila.

Sveitarstjórn Grýtubakkahrepps hvetur til þess að málið verði unnið upp á nýtt og þá í nánu samráði við hagsmunaaðila, ekki síst þá sem nýta landið og þekkja það hvað best.

Að öðru leyti er tekið undir umsagnir annarra sveitarfélaga, t.d. Bláskógabyggðar og Eyjafjarðarsveitar.

Framangreind umsögn var samþykkt samhljóða á fundi sveitarstjórnar 25. október 2021.

Grenivík 26. október 2021,

F.h. sveitarstjórnar Grýtubakkahrepps,


Þróstur Friðfinnsson, sveitarstjóri